



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Ingridis Vid.

urn:nbn:de:hbz:466:1-38534

S. INGRIDIS VIDVA ORDINIS SANCTI DOMINICI FLO-
RVIT ANNO CHRISTI 1283.

MARTINO IV. Pontifice.

RVDOLPHO Rege Roman.

MAGNO LADELOS, Rege.

SANCTA Ingridis Scheningiæ in Ostrogothia nobili genere orta, & summa morum ac vitæ honestate prædita, suorum voluntate prima sæculi vota subiit, sed mortuo marito spreto mundanæ nobilitatis fastu, & posthabito amicorum confanguineorumque blando consortio, vt liberius posset seruire Regi Christo, adiunctis sibi aliquot deuotissimis virginibus, Compostellam, Romam ac Hierosolymam Anno Domini 1282. peregre profecta est; indeq; incolumis in patriam reuersa, prope miraculose suis innotuit ciuibus. Quamobrem aduentu eius læti & gratulabundi, pro sua quisq; facultate vasa argentea, sanctæ mulieri supplices obtulere: quorum illa precio Monasterium virginum amplissimum Ord. D. Dominici in eodem oppido, Choro peridoneo, laudabili obseruantia ac regula ad nostra vsque tempora, magna nobilium Ciuiumque diligentia, pro eorum filiabus castè & sanctè educandis custoditum crexit; in quo ipsa vitæ sanctitate, puræque simplicitatis ac promptæ obedientiæ exemplo, numerosum castitatis chorum cœlesti sponso congregauit, ac demum gloriosa meritis, ad eius amplexus læta commigrauit. Sanctorum Collegio adnumerata Archiepiscopi opera tempore Concilii Constantinensis autoritate Martini V. Pontificis Anno 1418.

S. Ingridis orba marito saculari fastu abiecto peregrè abijt Compostellam, Romam, Hierosolymam.

Reditus eius miraculose innotuit.

Reduci dona conferunt ciues, vnde cœnobium adificat.

In eo legibus sacris Dni Dominici se obstringit.

Sanctis adnumerata.

De ea Olaus Mag. de Schening. Ioan. Mag. in sua Metrop. Cabilonenfis in Topographia Martyrum.

MECHTIL-